



## SIARAN MEDIA

### KEMAS SAMBUT BAIK INISIATIF PENDIDIKAN AWAK RMK - 13

---

PUTRAJAYA, 31 Julai - Jabatan Kemajuan Masyarakat (KEMAS) menyambut baik pembentangan Rancangan Malaysia Ke-13 oleh Perdana Menteri, Dato' Seri Anwar Ibrahim, yang secara langsung memasukkan tadika KEMAS dalam inisiatif membina baharu, memperbaiki dan menaik taraf kemudahan pendidikan.

Di samping itu, KEMAS turut bersedia untuk melaksanakan pengumuman RMK-13 yang akan mewajibkan prasekolah bermula pada umur 5 tahun.

Kedua-dua pengumuman ini adalah selaras dengan usaha dan iltizam yang telah diarahkan oleh Timbalan Perdana Menteri, Dato' Seri Dr Ahmad Zahid Hamidi, yang juga Menteri Kemajuan Desa dan Wilayah kepada KEMAS.

Sebagai agensi pelaksana pendidikan awal yang telah beroperasi sejak 55 tahun lalu, KEMAS akan mengambil langkah-langkah segera sesuai dengan beberapa tindakan yang sedang diambil bagi memperkukuh ekosistem pembelajaran peringkat prasekolah.

Sejak awal tahun ini KEMAS telah menggerakkan pelan tindakan menyeluruh bagi menaik taraf dan membaik pulih premis-premis TABIKA KEMAS di seluruh negara.

KEMAS kini juga sedang membuka proses pendaftaran memasuki Tabika bagi sesi 2026 yang akan ditutup pada 31 Ogos 2025.

Sehingga kini, KEMAS mengendalikan 10,567 kelas TABIKA dan 547 TASKA, melibatkan lebih 200,000 kanak-kanak prasekolah di bawah bimbingan hampir 11,000 pendidik terlatih.

Usaha ini diperkukuh dengan pelaksanaan program pendidikan awal khas seperti Tunas Istimewa dan Pra Tahfiz, yang terus mendapat sambutan positif daripada komuniti.

---

#### Jabatan Kemajuan Masyarakat (KEMAS)

Tarikh : 31 Julai 2025  
No. Rujukan : KEMAS.100-9/1/3 (22)